

اِسْتِثْنَا

۲۰ تشرین ثانی ۱۳۲۴

بِخَشَنده

نومرو ۱۱

اجمال داخلي

ينه تماماً تبديل وكلا مسوده نه وقت قطعي اوله حق؟ - شوراي دوات دارالاستحضاراتي - داخليه لا بوراتوارينه يكي كيميا كر - حق بك وحسين حلي پاشا - ايلك اعيان - مجلس اعيانه اعضاالق استدعالي ياغيور - مجلس اعيان چوروكلك اولملي - قانون اساسينك اعيانه دائر احكامي : مبعوثلك برنجي ايشي - قارشي روملري اوصلا نديلر - چقور كلايسا حادثه سنك خانه سي - انتخابات شنلكاري - مشروطيت واتحاد اقوام منظومه لري - آوستريانك وضعيت تهديدكارانه سي - بويقوت ملتجه مختار وحقدر - پاساروويچدن بشقه خاطر لانه حق معاهده لر وار - لوندردن كن خبرلر - يكي ارمني بطريقك زيارت رسميه سي .

استانبول ، ۱۸ تشرين ثاني ۱۳۲۴

ينه قسماً تبديل وكلا! پتمنز توكنمز محو واثبات: برمسوده كه مجلس مبعوثان آچيلمينجه شكل قطعي سي آلوده بياضه چكلميه جك . . . رئيس وكلا اساساً ايني چيقماش بر فوطوغرافيا ده لاي تقطع ره طوشلر يايان رسامه بكر سيور: رسمك بر نقطه سي كوريليور كه ولوجزني آيدينلق اولمق لازم كلير كن قاپ قارائق قلمش، اوراسي قازينيور . . . مستظلالمق ايجاب ايدن ديكر بر نقطه ايسه شمسك سمت راسده بولنديني زمان تصادف ايدن سيپ سيوري بردككلك اطرافي كي محروم سايه ، اوراسي ده سايه دار قليثور . . . صوك ره طوشلردن صوكره بوطالعسر فوطوغرافيا بهر كه ده باقدق ، « ياربن صاحبي كلوبده بورسمي بكنه جكمي؟ قبول وتسلم ايده جكمي؟ » سؤالي نفسمزه ايراد ايلدك، دوشوندك، تكرار دوشوندك ؛ بك اوزون بريولدن، متاعب ومشاق سفر به نامنه چكمدكي قلماش اولديني حالده ، بوكولرده صوب مقصودينه واره حق اولان صاحب مالك احوال روحيه سي كوزاوكنه كشيردك، بوسؤاله جواب تصديق ويره مدك . . .

۲۵ آغستوس تاريخي اجمالك ۱۹ تموز قاينه سندن بحث ايدن فقره سنده :

« هيئتي تدقيق ايلديكمزده علم . . . نقطه نظرندن محروميت ويا نقصان ، هله شخص ايله مأموريت آرمسده موجود اولمسي لازم كن امتزاج واختصاصجه فقداي كوستر مثلار كوزه چارپوردی ، اورمان ومعادن وزراعت . . . الخ .

نظارتلري اربانه دوشورلماشيدی ، » و ۲۵ تموز قاينه سندن باحث فقره ده دنخي

« اهليت وقدرتلري اتصال ايلدكاري مقامانك اهميت مصالحيله غير متناسب

عضولر کورلدی - مثلاً شورای دوات ریاستی . . . الخ . یالکیز مستقیم دکل ، فقط درعهده ایلدکلی کار عظیمک جدأ اهلی آدملر ایستردی ، کذلک اوقاف اموری کندینی ا کلار برناظره محتاجدی ، دیمش ایدم . اوقاف ناظری معارفه کچدیکی وقت مطالعه صدندنه برشی یازمانفی یازمغه مرجح بولدمدی . کذلک شورای دولت دارالاستحضارآنه نصب نگاهایده رک : « باقم ، نه لر حاضر لایه جق . . . بلکه ؟ کیم بیلیر ؟ ! » دیدم و بیکدمدی . اوپله یا ! کیم بیلیر ؟ « برتولد شوارچ » بالیکمیا آلتون بولق اوزره اندلسده اوغراشوب طورورکن باروتک ایلک شراره لرینی کورمامشیدمی ؟ بادی امرده شوارچی فناحالده قورقوتان بوکشف تصادفی نتیجه سنده قرالار بوجه انحصار اسلحه ناریه اعمال ایدرک دره بکی شاطولرینی ییقمشدر و بوسایده اورویا نعمت آسایشه وانتظام ادارهیه مظهر اولمش دکیدی ؟ « بلکه - دیوردم - شورادنده بویله برشی چیقار . . . »

حال بوکه چیقان رئیس پاشا اولدی . معارف ناظری اکرم بلکه برانکده مجلس اعیانه متوجهاً حرکت ایلدیلر . ویا تحریک ایلدیلر . کندیسنه رخاوت ، بطائت ، مستبدانه افعال وسأره وسأره - آووقات چکسی یماندیر ! - اسنادایدن دعوی وکیللرینک شکایات وصدر اعظم نژدنده کی تشبثاتی اوزرینه حسن فهمی پاشاده عدلیه نظارتندن انفکاک وشورای دوات ریاستی مقامنه دفعه ثانیه اوله رق قعود ایلدی . قباحت صندالیده ایسه کورپله جکدر . . .

هر نه دینیرسه دینسون ، ذاتنه دهاء ، همده مستثنی بر دهاء ، مرتبه سنده اولدیغنی مشاهده و تجرب به ایله بیلدیکمز ذکا وعرفانه و فضائلنه حرمت وانجذابمز پایدار اولان حتی بک افندی دخی ینه معارف نظارته کچدی . حتی بک آغستوسک اون ایکسندنه داخلیه نظارته نصب اولمشدی . وسائط معلومه ایله نتیجه جدیدیه بالوصول اختراع براتی استحصالنه مأمور ایداشیدمی . لابوراتوارده اوچ آیدن فضله جه بر مدت قالدی ، بو قدر زمان ایچنده ولایات عثمانیه نک سیاحتی بسبتون دیکشدره جک « نتیجه جدیده » به « وسائط معلومه » ایله بالوصول برات اختراع آله مدینی ایچون یرینه دیگر بر کیعیا کر کتیرلدی که بو ذات روم ایلی ولایات

نقله سی مفتش عمومی حسین حلمی پاشاده متشخصدر .

حسین حلمی پاشای بیلیمان یوقسدر . فعالیتده بر مثلنی آرایانلر بیوده یورولورلر . مفتشلیکن اول باشلوجه مأموریتلری آٹنه وین ولایتلریدر . آٹنه دن افتراقده آوستریالیرك دخل وتأثیری اولمشیدی . اهمیتسز بر حادثه یی ویا نه قاینه سی اعظام ایتمش وحکومت سابقه یی مریدنده بر آوستریا بکلك کیسی اوزرنده آوستریا باراغنه علناً ورسماً سلام وترضیه بیرمکه مجبور ایلمش ایدی . بو حادثه ذهنتده ایجه یرلشوب قلمش اولدیغندئمیدر نه در حسین حلمی پاشا روم ایلیده آوستریالیری بلکه لزومندن فضله اوقشادی . ذاتاً مفتش عمومی روم ایلیده اجنبیلر طرفندن ادنی بر شکایت بیله میدان ویرمک املک استحصالنده افراطه وارمقله مأمورین عنایه نک واهالینک خوشنه کیتمز اولمشیدی . حسین حلمی پاشا تجسم ایتمش عفت واستقامتدر دینیه بیلیر . داخلیه نظارتسده موفقیتنی تمقایدرز . اورانک مستشارلق ومکتوبحیللق مقاملرنده ایکی ذات وارکه فعالیتده کندیسندن هیچده آشانغی قالمالزلر .

عدلیه نظارته مانیاسی زاده رفیق بك تعیین اولندی . عدلیه نظارتسده رفقای مسلکی اولان دعوی وکیللری طرفندن بك مظنن بر صورتده استقبال ایدی لان رفیق بك هر جهته واقف اولدینی بر ایشك باشنه کچور . موفق اوله جفنده شبهه ایتمیورز .

ایشته دون اراده سی چبقان وعلاوه لرله اشاعه اولنان تبدلات منوال محرز اوزره وقوع بولمشدر .

بقالم مجلس اعیانده ده ها کیملری کوره جکز . ایشتدیکمه کوره مجلس اعیانه اعضا تعیین اولتمق ایچون سرایه استدعائمه لر یاغدر یلیورمش . بومستدعیاتدن بك چوغنك کیملر طرفندن واقع اولدینی اوکر نه مدك ایسه ده تخمینده کوچك چکمیورز . مستدعیلر ار کچ بیلنه جک واغلب احتمال کوره اکثریتی غزته لرده ینه او چرکین شخصیاته فقط بالضرور میدان آچه جقدر . جرأت هر قبوی آچار ، هر منصبی تأمین ایدر بر مفتاح دکلددر . هله بعض قبولر وارکه اورالرده

ملت کمال ابتداء و تيقظ ايله نکهبانلق ايتديکندن الارينده ميمونجق اولديغی حالده کلنلر تحصیل مطلبه امکان بوله مازلر. بزم و آنف هویي اولدینمز بعض مستدعیلر کیلرینی ذات پادشاهی مجلس اعیانه البته صوقیه جقدر. اداره سابقه ده شائبه دار اولان برسوری اشخاصک نفس هایونلرینه ایتدکاری خدمتک نصل فنا برخد مت اولدیغی کورمشلر و بونلردن بحقر یوز چویرمشلردر. ایلک اعیان کامل پاشانک توصیه سیله منتخب اولیورلر. طوئیلان بو یول بر درجه یه قدر فنا دکل .. کامل پاشا اداره مشروطه نك معتمدی اولمق صفتیله بوباده کی توصیه لری مقبولدر. شوقدرکه مجلس اعیانی مطلقاً اختیارلر و معتوهرلر مجلسی کی برشی ظن ایتک قدر خطا اوله میه جفندن همه حال سنلری حد اصغری قانونیدن اوتوز قرق ییل اوزاقلاشمش اولانلری آرایوب بولوبده شو ایلک مجلس اعیانده او متلاولردن حقیقی فائده بکلمک طوغری دکدر. هرکس صدراعظم پاشا حضرتلری کی فکر آ جوان، عرفاناً عصره لایق اوله ماز.

اعیانه دائر قانون اساسی احکامی مجلس مبعوثانمک ایلک نظر تدقیقنه لایقدر. پیدربی استانبوله کلکده اولان مبعوثلرمن بو نقطه نك اهمیت عظیمه سی تقدیر ایدرلر. استانبوله منتخب ثانی معاملاتنک همان هر یرده آرقه سی آندی . بک اوغلی دائره سنده دخی یارین آقشام نتیجه لنه جک.

قارشی روملرینک نابجا برنمایشلردن و قوم قبوده چقور کایسا حادثه سنندن طولانی کچن هفته اجمالیه ی بک آجی دویغولرله یازمش اولدیغم حالده بو کون شو مبحثده بو هفته نك تظاهرات اتحاد پروانه سنندن شاد و مسعود اوله رق قلعه صاریلورم. صورت جریانی، منشألرینی و مرتب و فاعللارینک احوال و ظاهری و باطنی مقاصدینی اجمال سابقمه بیان ایلمش اولدیغم کچن بازار کونکی نمایش روم همشهریلر مزدن عقل سلیم و بصیرت و جداً وطنه محبت و حمیت ايله تمیز ایدنلر عنندنه نه درجه سزاوار تقبیح کورلدیکنک آثارینی ادراک ایلدک. بر طرفدن آنلرک تعیب و تحذیرله مزوج نصائح عاقلانه سی، دیگر طرفدن احتیاط و اعتدالی الدن بر اقامش اولان حکومتک بعض مساعداتی نتایج حسنه یه

پیوسته اولدی . آننجی دأره انتخاباتک تشرین ناینک اون طقوزنجی کوئی آقشامنه قدر تمیدینه استانبول انتخاب، معونان هیئت تفتیشیه سی قرار ویرمهکله برابر منتخب اولار تذکره عثمانیه لری تدقیقاتک کیفیت اجراسنه متعلق تدابیر تسهیلیه اتخاذ اولندی . قارشی روملری اشتراک ایتک ایستمدکلری انتخابه تکرار شروع ایلدیلر و بو حرکتلری یرلی و اجنبی عامه نیک تحویل حسن و نظره استحسناتی موجب اولدی . وطنک و وطن عثمانی صفتیه خیر حقیقه سنده علاقه دار اولمیانلرک — کویا حسناتک حسنی برقات ده ابارز قیلیم ایچون مشیتک هر قوم و ملت سریشدیردیی روم جماعتده قاریشدیرمش اولدینی بعض فرومایکاندن زیاده او اغیارک — تلقیناتندن شکل و وجود آلان بوچرکین مسأله نیک کوزل خاتمه سی، نفاقک و فافه انقلابی « استشاره » کمال ممنویت و بختیاری ایله قید ایلر . استخباراتمه کوره یارین آشام ختام بوله جق اولان منتخب ثانی انتخاب صندوق آلائی استانبول زقافلرنده، علی الخصوص اولکی بازار نمایشه موقع مخصوص اولان باب عالی پیشگاهنده، کورمه که مشتاقز ...

قوم پیوده « آیا کیریا » کلیسای حادنه سنک غلط فهمدن نشأت ایشدیکئی کلیسایک متولی هیئت غزیه لره کوندردیکی مکتوبده افاده اولنیور . انتخاب ایچون کلیساده طوپلانمش اولان اهالی آره سنده قارغشلق واقع اولمی و وقتک یکیکمی اوزرینه خلق طیشاری به چیقارلق ایستلیدی ائنده عسکر موزیکه سی کیش و اهالی به متوجه اولان « اکو ! اکو ! » ندرینه مخاطب عسکر ظن اولمش . مکتوبک نهایتنده : « شاء علیه حقیقت حالی عرض ایدر و سرتاج ابتهاجر اولان عسکر قرنداشلمزه دکل بویه بیایغی بر معامله نیک حتی الک جزئی بر حرمتلرکک بیه وقوعی قطعاً رد و جرح ایدر و اوغورلرنده قانغزی اشاره حاضر اولدیمیزی بال بیان کندیلرینه لایق اولدقلری یارلاق استقبالاک احضاری امرنده اوچ کون اولسندن باشلا دیمز تدارکات حقنده لطفاً اجرای تحقیقاتله اترسوه تفهم اولان بویه بر حادنه دن طولانی حقزده تصحیح ظن بیورملرینی سوکیلی عسکر قرنداشلمزدن عن صمیم القاب رجایلرزه » دینیور، متولیلر حریبه نظارتنه بالذات مراجعت دخی ایدرک ناظر پاشانک غیبتی حسبله ارکان نظارت ایله کوریشمشار و « عسکر قرنداشلمزه بیان

تأسف واعتذار ايتك اوزره كلكلريني «سويلمشلردر» بزاڭبو بيانك صميميته
ايتانه رق تحقيقات اجراسني آرتق بي لزوم كورور و ولوكه دنيلديكي وجه ايله
غلط فهمدن انبعث ايتسون بر طرفك محق انفعاله ديكر طرفك ندامت
واستغفاي قصورينه منجر اولان بو كبي حادثاتك عدم تكرريني كر چكندن حس
اخوتله تمني ايلرز.

شهر مركز هر زقاغنده، هر نقطه سنده بر درلو تجلي* سعادت بخشاشني تماشايه
طويه مديغمز سور مشروطيت، سور انتخابات بو هفته دخي كال شعشه ايله
دوام ايتدي. باب عاليه واتحاد وترقي جمعيي مركزينه كيدن غلبهك جماعتلك
ايچنده روم، ارمني، موسوي مأمورين روحانيه بي اماملر مزله خواجهر مزله؛
چيچكلر، قونفوتيلر سرپرتهك استانبول زقاقلريني، ميدانلريني برشكوفه زار حالته
كتيرن ملل غير مسلمه چوققلريني اسلام چوققليله يان يانه كورديكمزده
نه قدر دلشاق اولدق! شو منظره غراي اتحاد قارشوسنده نه قدر سوينچ
ياشلى دوكدك! او ميني ميني آغزلارك سويلديكي نطقلري نه بيوك بر لذت
وجدانيه حس ايدرك ديكلك! او ايجه سسلرك: «ياشاون اتحاد! قهر اولسون
استبداد!» ندرليني نه عظيم بر خواهشله قارشولادق و تكرار ايتدك! اي اداره
مستبدنهك مساوي* ظالمانه سندن مادي و معنوي نصيبه دار اولان، دونك كراهتي،
بو كونك حسن و جاذبه سني ادراك ايدن وطن ياورولري! اي ملت عثمانيهك
نورديده افتخاري اولان اولاد مملكت! سزده يشايكز! چوق يشايكز! بزلر
نه قدر كنچ ايسهك تمللريني آنديغمز مشروطيت بناسك غايه آملزده موافق
صورته اكلاله عمرمز وفا اتميهك، او اساسك بز اول باول محافظ فداكاري
اوله جغز، فقط سز آنك متممي، مكمل اوله جقسكز و اداره مشروطهك
بتون اوصاف لئانديني تماميله اصل سز حس ايله جكسكز...

استانبولك بونشئلري آرمسنده ويانه دن كان خبرلر، ماركي دي پاللاويچينيك
باب عاليه طاشيديني سوزلر حقيقه* جان صيقيجي اوليور. قونفرانسه كيتمه دن اول
مسائل معلقه حاضرده تفرع ايدن بعض خصوصاتك اول باول بلغارستان و آوستريا

حکومتاریله مذاکره سنه قرار ویرلدیکی و استانبوله کلن بلغار دلیکلری عثمانلی
مرخصلرله بولوشهرق مذاکرات اجرا ایدلدیکی معلومدر . شمدی آوستریا
دولتی باب عالییه وقوع بولان تبدیلیاتسده بویقوت رفع اولمخجه مذاکره
یناشمیه جغنی سویلمشدر . آوستریالیر قطع مناسبات تجاریه ده خلغمزک بالاختیار
حرکت ایتدیکنی ، حکومتزک ایشده یارمانی اولدیغنی — لقردی قحطنده
آصه لر بودامه قیلندن — سویلیه رک صدراعظم پاشایه : « بویقوتی قالدیر بکیز ،
صوکره کورو شیرز » دیسورلر . اگر آیش ویریشه باشلامازساق ، لوئید واپورلرندن
مال آلوب ویرمزسه ک سفن تجاریه سنه حرب کیلیری تردیف ایدرک لیمانلرمزه
اوله جه کوندریله جگمش . حکومتک بو مسأله ده تماماً بی طرف اولدیغنی و اوله
اوله بیله جگنی دوشونمان آوستریا حکومتی شونی ده دوشونمورکه لوئید واپورلرندن
اشیا چیقارمیان حیثیتی حاللرمزه بدل سفن حریسه معاونتیه چیقاریله جق —
فرض ایدم که بویله اولسون ! — اشیایی بز عثمانلیره ینه آلدیره مازلر .
غرابتک ، زوربالغک بوشکل و طرزینه یکرمنجی عصرک مظهر اولدیغنی کورمکه
بر طرفدن متحیر اولیورز ، فقط دیگر جهندن ده مقاطعه تجاریه نک آوستریا
عالم اقتصادیسنده ، او عالم که باشلوجه عثمانلی صیرتنده یشار — نه بیوک رخته لر
آچدیغنی و آوستریا مالکنده حکومته قارشو مختلف طبقات ناسدن نه آجی
سوزلر کتیردیکنی و بالایلچک فصل شاشیردیغنی دوشوندجک حیرتمز آزالیور .
آوستریا حکومتک افکار و حسیاتنه چوق دفعه تمامی تمامه ترجان اولان نیم رسمی
« نویه فرایه پرسه » صوک نسخه لرندن برنده مدحت پاشا زاده علی حیدر بکه
خطاباً نشر ایدلیدی مکتوبده مدحت پاشا مرحومک فراراً و یانه ده بولندیغنی
اشاده فرایه پرسه محرریله حاصل اولمش دوستلغندن بحث ایتدکن صوکره
آوستریا حکومتی آوستریا امتعه سنک ترکیاده مقاطعه سنه قارشو مقررات واسعه
اتخاذ ایدجکی ؛ بویقوت غلیان خلغک نتیجه سی اولیوب آوستریا یله مناسبات
دولیه متمنده بولان بر حکومتده امتعه لرینک کرکنمماسی ، اخراج و نقل
اولنماسی کی احوالدن کیعک مشول اولدیغنی آوستریا خارجییه ناظری صورمغه

مجبور اوله جغنی ؛ انکلتزه سودانی ، فرانسه تونس آلدینی وقت آنلره و بو دفعه بلغارستانه قارشو بویقوت یایلاماش ایکن بزدن نه بر فرد نه ده بر پاره آلاماش اولان آوستریایه قارشو معامله مز پزوروخه معاهده سندن برو بر رسم معین مقابلنده آوستریا اشیا سنک سربستی امرارینی تأمین ایدن عهدی نقض ایتک اولدیغنی سوبلیور . احوال حاضرده ماضیدن بحث ایتک استمدادی تهدیدینه غالب اولان شو مکتوبه بر مقدمه مناسبه تدارک ایتک املندن انبعث ایتش ایسه اکادیه جک یوق . « مقررات واسعه » استعمال جبر و شدت ایتک صورتنده تحلی ایلده جک ایسه شمديه قدر کال صبر و سکون ایله و حق مشروعلری دأره سنده حرکت ایدن عثمانلیر او قدر صیقتیه . زوره کله مز اولدقلرینی بیلملی . صبر و سکونک ده بر حدی واردر . آوستریالیلر ؛ « مالارمزی آله جقسکز ، طاشیه جقسکز ! » ديه اوزرمزه مسلحامی یورویه جکلر ؛ شونی اونوتیورلرکه اداره حاضره عثمانیه — ملتی امور مملکتیه قاریشدرمیوب هر کون آوستریا توقادینه یناق اوزانان حکومت سابقه نك اطوار خائفانه و ذلیلانه سی طاقینه مز . او یله غیر مشروع بر تجاوز پک مؤثر مدافعه لر کورور . و اوزمان آوستریالیلر بر فردی قلاماق اوزره بو مملکتدن چیقارلر و بزه قورشون آنان بر قومک افرادینی قوجاغزده بئسلمک مجبور اولدیغمزی البته ادعا ایده مزلر . بویقوت خلفک اوزوسی دگلی ایتش ؛ ویانه قایدنه سنک وسائط استخباریه سی پک نافص . بالاپاج حالا ۱۱ تموزدن اولکی زمانده می یشاپور که بوراده الان هر شیئی حکومت یاپار ، هر شیئی حکومت بوزار ، قالدیرر ظن ایدیور ؟ اگر محق بر مسئولیت ترتب ایدیورسه صاحبی باب عالیده آرامق خطادر ، بصره کورفزدن غصب اولنان بوشنه هر سکه قدر اوزانان بو مملکتک صاحب لری ، بزله ، ملت عثمانیه ، حکومت دانه مقسزین ، اکا انقیاء و مطاوعت صورتنده اولمق سزین ، بویقوتی بز ایستدک ، بز یادتق . بو کونکی وکلایی مارکی باللاویجینی ده طوغریدن طوغرییه ویانه قایت سی ده پک اعلا طانیر و بویقوت شراره سنک انلردن چیقمیدیغنی ، انلر طرفندن کور وکلنمیدیکنی بیلمک لازم کلیر . طوغری

سوزله ، طوغری اوزله حرکت اولیورسه حقیقی اولدینی کبی کورملی ،
و ملت عثمانیه نی حالا اسارتده فرض ایتاملی . انکلتزه سودانی ، فرانسه
تونسی آدقلری وقت ملت حال اسارتده ایدی ، انک ایچون بر شی یابامدی
بو کونکی انکلتزه و فرانسه بزم حال مشکلمزدن بالاستفاده اداره مشروطیه نی
کهواره صفوت و عصمتده بونالتمه یورومدیلر بزه دست نوازش دست وفاق
و محادثت اوزادیلر ، آوستریایه بکزمه مدیلر . فرض محال اوله رق بشقه بر
طرفدن آوستریانکی کبی بر معامله یه هدف اوله ایدک عثمانیلرینه وارلغیرینی
کوسترلردی . بلغارستانه کنجه حکومت عثمانیه بلغار استقلالنی ، چارلغنی
طانیمدی روم ایل شرقیه « جنوبی بلغارستان » دیمدی و بلغارستانده کی
تحوالاتک لازمی اولان جرأت و جسارت زهدن کلدیکنی اوکرندی . بلغارستانک
وضعیه آوستریانک وضعیتنی برطونق وایکی طرفنک افعالنده مشابته و مساوات تامه
آرامق طوغری دکلدیر . برده بلغارستان بزله قونوشیور ، اکلاشیور . مقاصد عثمانیه
بلغار مأمورلری زدننده رواج بولمازسه ایستقامت تجاری نی یرتمق حکومت ایچون
و بلغارستانی مالا ، تجارت بونتمق ملت عثمانیه ایچون ایشدن سیله دکلدیر . آوستریالیله
عقد ایتمش اولدیغمز معاهدات واقعا سربستی تجارتنی تأمین ایدیسیور . فقط
سویله سونلر : بوراده تجارتدن منع اولتمش برنک آوستریالی وارمی ؟ سربستیلرینه
کیم مخالفت و عمانت ایتمش ؟ فصل اولیورده قوجه برملته جبراً مال صنامق
وطاشیتقم تسکلیفی متمدن کچین بر حکومتدن ایشیدیسیورز ؟ برده معاهدات دوستلق
زمانی ایچون پاییلیر . و مناسبات صلحیه تفرعاتی اداره ایدر . محاربه کافه عهدی
بحق اسقاط ایدر . تراضی طرفین لازمدرکه بعدالحرب معاهدات باقی الاحکام
اوله بیلسون . واقعا آوستریالیلر بزه سلاح چکمدی . فقط ملکمیزک قوجه
بریارچه نی غصب ایتدی . بودوستاقمی ؟ حقیقت خالده خصوصتدن ، محاربه دن
بشقه برشیمی ؟ کمال جدیتله باش بانه و برونده بالکتر ظاهریانه ، اشکالهمی بافه جغز ؟
بزندکار اولان معاهده لری یرتساقینه حق صرف نقطه نظرندن نخطه ایدیه میز .
حال بوکه اوله اولمدی واوله یایمق ده ایستیمیورز . بسوزمزده طورسیورز .

وبالایلاچدن دخی عهده وفا ایستوروز. یالکر پاساروویچ، زشتوی وسار معاهداتی،
 ویردیکمز تمسک و سندرلی، ۱۲۷۸ عهده نامه سی دکل، برلین معااهده سی ده،
 انک یکر می بشنچی ماده سی ۲۱ نیشان سنه ۱۸۷۹ تاریخی درساعات مقاوله سنک
 برنجی بندینی و برلین قولغره سی انساننده آوستریا مرخصلرندن آلتان ۱۳ تموز
 سنه ۱۸۷۸ تاریخی بیاسنامه بی ده خاطر لاملرینی طلب ایدیوروز. - بو بجنه ختام
 ویرمه دن شونی ده سویله می که سفن تجاریه به حرب کیلری تردیفی سوزی شایع
 اولور اولماز بزه معاونت و مظاهرت ایچون انکلازه دو تناسنه امر ویریه جکنه
 دأر لوندره دن تلغرافلر کلشدر.

آوستریانک اول و آخر بزجه موجب اولدینی انفعالاتی یکی ارمی یطریق
 از میرلیان افندی سنک رسماً زیارت و کلا ایچون باب عالی به ورودی (۱۵ تشرین نانی)
 ملا بسه سیله دخی ترکلر وارمنیلر ارسنده وجودی تظاہر ایدن اتحادی کوردیکمز
 انالرده اونوتدق. ماطیوس از میرلیان افندی سنک مأموریتی تصدیق اولندیقندن
 او کون اولا سرایه کیدوب حضور پادشاهیده بر لطق ایراد ایامش و بونده :
 « شوکتلو پادشاهم، وطن معزز عثمانیمزک تأمین و تعالی اقبال واستقبالی وقانون
 اساسیمزک کافل وضامن بولندیفی حقوقک تمامی محفوظیتی وعناصر مختلفه عثمانیه ارسنده
 مؤسس اخوت و محالستک ادامہ سی اؤغرندہ هر درلو فدا کارلنی اختیار ایلمک بالجله
 عثمانیلر ایچون واجب اولوب بونقطه دن عهده داعیانہ مه ترتب ایدن وظیفه مقدسه بی بتون
 ملتہ افرادیلہ برابر صورت جانشیارانده ایفایه جهد وغیرت ایده جکم . . . دولت ابد مدت
 عثمانیه شخصاً و ملتہ نامنه بطریقخانه کلیسایانده علناً عهد و قسم ایتدیکم صداقتک کافه
 ایجاباتی کال جدیدله ایفا ایده جکی عرض و بیانه مسارعت ایلرم . » دیمشدر .

از میرلیان افندی بیوم مراسمه زفاقلرده اہالی طرفندن و باب عالیده کرک
 افراد و کرک مأمورین طرفلرندن صمیمیتله آغیشلانمشدر. بز از میرلیان افندی سنک
 بوملکته و اتحادہ صدق و حیتله خدمت ایلہ جکنه اعتماد ایدہرز .